

Orde do 28 de decembro de 2007 pola que se regulan as bases que rexerán as subvencións dirixidas a entidades de acción voluntaria para o fomento e realización de actividades de voluntariado e se procede á súa convocatoria para o ano 2008.

No Decreto 517/2005, do 6 de outubro, establécese a estrutura orgánica da Vicepresidencia da Igualdade e do Benestar. No seu artigo 6, punto 2.2º b), establécese que lle corresponde á Dirección Xeral de Xuventude e Solidariedade a xestión e coordinación das actuacións da Secretaría Xeral do Benestar en materia de voluntariado, así como a elaboración e o seguimento do Plan Galego de Fomento e Promoción da Acción Voluntaria e a xestión do sistema de rexistro autonómico das entidades de acción voluntaria. Tamén será a súa función o desenvolvemento das actuacións de promoción, investigación, asistencia e formación en materia de voluntariado e todas aquelas segundo o disposto na Lei 3/2000, do 22 de decembro, do voluntariado de Galicia.

A Vicepresidencia da Igualdade e do Benestar considera, polo tanto, de máximo interese, colaborar na promoción de actividades no ámbito do voluntariado, actuacións que necesariamente deberán influír no desenvolvemento comunitario.

Esta convocatoria tramítase como anticipada do gasto de acordo coa Orde do 11 de febreiro de 1998 pola que se regula a tramitación anticipada de expedientes de gasto, modificada pola Orde do 28 de novembro de 2000 e pola Orde do 25 de outubro de 2001 e de acordo co disposto no capítulo II do título preliminar da Lei 9/2007, do 13 de xuño, de subvencións de Galicia; no Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia; na Lei 38/2003, do 17 de novembro, xeral de subvencións e no establecido no proxecto de Lei de orzamentos xerais da Comunidade Autónoma de Galicia para o ano 2008, aprobado na reunión do Consello da Xunta de Galicia do día 18 de outubro de 2007.

Na tramitación anticipada deste expediente poderase chegar ata o momento inmediatamente anterior ao da disposición ou compromiso de gasto, sempre que se fagan constar nas bases reguladoras ou na convocatoria a circunstancia de que o gasto que se proxecta queda condicionado á existencia de crédito axeitado e suficiente.

Na súa virtude, e no uso das atribucións que me foron concedidas,

DISPOÑO:

Artigo 1º.-*Obxecto.*

1. Esta orde ten por obxecto establecer as bases reguladoras polas cales se rexerán as subvencións dirixidas a entidades de acción voluntaria, agás as universidades galegas.

2. Estas axudas outorgaranse en réxime de concorrencia competitiva e de acordo cos principios de publicidade, concorrencia, obxectividade, transparencia, igualdade, non-discriminación, eficacia e eficiencia.

3. Serán subvencionables os programas e actuacións presentados polas entidades sen ánimo de lucro sempre que desenvolvan proxectos de acción voluntaria e que se realicen no ámbito territorial da Comunidade Autónoma de Galicia, nalgunha das seguintes áreas:

a) *Área de sensibilización:* o obxectivo destes programas será o de difundir entre toda a sociedade galega a importancia e o valor da participación solidaria de carácter voluntario. Trátase de fomentar o voluntariado a través de actividades de sensibilización como:

-Desenvolvemento de xornadas, seminarios, charlas e actividades dirixidas a dar a coñecer a realidade das asociacións, así como á promoción e captación de voluntariado.

-Realización de campañas que fomenten a sensibilización da sociedade galega cara ao voluntariado e ás súas organizacións.

-Estudos encamiñados a coñecer a realidade do voluntariado galego nos seus diferentes niveis de actuación (local, comarcal, etc.).

b) *Área de formación e participación:* perséguese aquí unha modernización e adaptación permanente das entidades á realidade social a través destas liñas fundamentais:

-Gastos de formación de persoas responsables de voluntariado e das persoas voluntarias.

-Incorporar actuacións innovadoras na aplicación de boas prácticas que sirvan de referentes, actúen como dinamizadores da participación social e favorezan a continuidade do voluntariado.

-Fomento e incorporación de novas tecnoloxías dentro das entidades, como por exemplo o deseño e mantemento de páxinas web.

c) *Área de coordinación:* as accións fomentarán o traballo en rede e a coordinación entre as diferentes entidades incorporando de xeito transversal as actuacións desenvolvidas nos diferentes eidos do voluntariado, así como as iniciativas de carácter experimental que acheguen solucións innovadoras.

Artigo 2º.-*Beneficiarias/os.*

As/os beneficiarias/os das axudas serán as entidades de acción voluntaria de Galicia, agás as universidades galegas, que realicen proxectos de voluntariado durante o ano 2008 e que se desenvolvan dentro das áreas de actuación da Lei 3/2000, do 22 de decembro, do voluntariado de Galicia.

Artigo 3º.-*Requisitos das/os beneficiarias/os.*

1. Para poder ser beneficiarias/os destas axudas serán condicións imprescindibles:

-Que as entidades estean inscritas no Rexistro de Entidades de Acción Voluntaria de Galicia na data de publicación desta orde no *Diario Oficial de Galicia*, e que estean legalmente constituídas.

-Ter sede permanente ou domicilio social en Galicia e desenvolver os programas subvencionables na Comunidade Autónoma galega a través de voluntarias ou voluntarios e profesionais.

-Non ter débedas no período executivo de pagamento na Comunidade Autónoma galega e restantes administracións públicas.

-Ter debidamente contratados todos os seguros de responsabilidade civil e accidentes de todas as persoas voluntarias para o ano en curso e na data de presentación da solicitude.

2. Polo contrario, non poderán solicialas aquelas entidades que estean incursas nalgunha das circunstancias previstas no artigo 13 da Lei 38/2003, do 17 de novembro, xeral de subvencións e no artigo 10 da Lei 9/2007, do 13 de xuño, de subvencións de Galicia.

3. As entidades deberán manter os requisitos exixidos durante todo o período de realización do programa subvencionado.

4. As solicitudes presentadas por unha agrupación de entidades farán constar no proxecto a parte executada por cada unha delas así como o orzamento destinado ao dito proxecto.

As solicitudes de entidades que conteñan propostas de actividades conxuntas, cada unha delas por escrito deberá asumir a responsabilidade solidaria do proxecto debidamente asinada e designarán unha ou un responsable e unha dirección única para os efectos de notificacións administrativas.

Artigo 4º.-*Contía máxima da axuda.*

As axudas faranse efectivas con cargo á aplicación orzamentaria 2008.05.32.312F.481.0 (proxecto 2003 00513) por un importe de 560.000 € segundo o establecido no proxecto de Lei de orzamentos xerais da Comunidade Autónoma de Galicia para o ano 2008, aprobado na reunión do Consello da Xunta de Galicia do día 18 de outubro de 2007, quedando condicionado á existencia de crédito axeitado e suficiente.

Artigo 5º.-*Conceptos subvencionables.*

1. Serán conceptos subvencionables os gastos correntes que deriven da realización das actividades de voluntariado realizadas e recollidas no proxecto presentado e que se leven a cabo desde o 1 de xaneiro ata o 15 de outubro de 2008, entre os cales se inclúen a contratación laboral de persoal técnico, gastos derivados de desprazamentos do persoal voluntario, gastos de actividades inherentes ao desenvolvemento do proxecto, contratación de persoal experto, formación de persoal técnico ou voluntario, adquisición de material funxible pero non inventariable, ser-

vizos de comunicación (telefónicos, postais e telegráficos) e os seguros de voluntarias ou voluntarios.

2. Non se subvencionarán os gastos en bens inventariables e de investimentos; os xuros debedores das contas bancarias, recargas e sancións administrativas nin gastos de procedementos xudiciais.

3. En ningún caso o importe da subvención será superior ao 80% do orzamento total do proxecto.

Artigo 6º.-*Solicitudes, prazo de presentación e documentación.*

1. O prazo para a presentación das solicitudes será dun mes desde o día seguinte ao da publicación desta orde no *Diario Oficial de Galicia*.

As solicitudes, xunto coa documentación, dirixiranse ao vicepresidente da Igualdade e do Benestar, presentaranse no rexistro xeral da Vicepresidencia da Igualdade e do Benestar, nas delegacións provinciais ou a través dalgunha das formas establecidas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

2. As solicitudes cubertas segundo o modelo do anexo I presentaranse xunto coa seguinte documentación:

a) Fotocopia compulsada do DNI do representante legal da entidade.

b) Fotocopia compulsada do CIF da entidade.

c) Certificación orixinal dunha entidade bancaria da conta da entidade onde se fará o ingreso da subvención.

d) Certificación expedida polo secretario da entidade co visto e prace do representante legal (anexo II), que recolla: o acordo do órgano que teña asumida a competencia en virtude da cal se solicita a subvención, a acreditación da persoa que ten o cargo de representante legal, así como o conxunto de todas as axudas concedidas e/ou solicitadas para o mesmo proxecto, procedentes das distintas administracións públicas ou doutros entes públicos ou privados, nacionais ou internacionais, así como os fondos propios que achega a entidade.

e) Proxecto tal e como se recolle no anexo IV, admitíndose un só proxecto por entidade ou agrupación de entidades.

f) Acreditar que a entidade está ao día no cumprimento das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración pública da comunidade autónoma e restantes administracións públicas.

3. No caso de que algún dos documentos relacionados nas alíneas a), b) e c) fosen presentados na Administración, deberán facelo constar, así como o expe-

diente para o cal foron presentados, quedando deste xeito exento de presentación.

4. Conforme o establecido no artigo 71 da Lei 30/1992, do 26 de novembro, se a solicitude de subvención non reúne os requisitos exixidos nesta orde, o interesado será requirido para que nun prazo de dez días hábiles, contados a partir do día seguinte ao da recepción do devandito requirimento, emende a falta ou achegue os documentos preceptivos, con indicación de que, de non o facer, se considerará que desistiu da súa solicitude, logo de resolución que deberá ser ditada nos termos previstos no artigo 42 da devandita lei.

Artigo 7º.-Instrución e resolución.

1. A Dirección Xeral de Xuventude e Solidariedade será o órgano competente para a instrución dos procedementos que se tramiten ao abeiro do disposto nesta orde.

2. Conforme o establecido no artigo 21 da Lei 9/2007, do 13 de xuño, de subvencións de Galicia, crearase unha comisión de valoración que estará composta polos seguintes membros:

Presidenta/e: subdirectora ou subdirector xeral de Solidariedade e Participación.

Secretario: unha/un funcionaria/o da Subdirección Xeral de Solidariedade e Participación, o cal participará con voz pero sen voto.

Vogais: a/o xefa/e de Servizo de Solidariedade, dúas/os técnicas/os da Subdirección Xeral de Solidariedade e Participación, as/os xefas/es dos servizos de Xuventude e Solidariedade das catro delegacións provinciais da Vicepresidencia da Igualdade e do Benestar.

3. A dita comisión poderá solicitar canta documentación considere precisa para unha mellor valoración e comprobación do proxecto.

4. As solicitudes admitidas remitiráselle á comisión de valoración para que, unha vez avaliadas, proceda a propor a concesión ou denegación das axudas seguindo os criterios de valoración establecidos no artigo 8º desta orde.

5. A comisión proporá a contía das axudas correspondentes a cada entidade, que en ningún caso superarán o 80% do orzamento total do proxecto ata esgotar o crédito dispoñible.

6. A comisión poderá establecer un mínimo de puntuación a partir do cal non se valoren os proxectos por considerarse que non se adecuan á calidade exixida nas bases.

Artigo 8º.-Criterios de valoración.

A valoración e selección das solicitudes serán realizadas pola comisión de valoración do artigo 7º. No devandito procedemento teranse en conta os seguintes criterios:

a) Coherencia xeral do proxecto (ata 30 puntos).

-Calidade técnica analizada a través da coherencia entre os obxectivos, programación, metodoloxía da intervención, adecuación de recursos e actividades aos obxectivos do proxecto e criterios de avaliación; os resultados previstos, a oportunidade e interese social do proxecto expresados nunha relación descriptiva clara de toda a secuencia do proxecto e de cada unha das actividades que se van desenvolver.

-Información precisa e detallada de cada unha das actividades e contías que se deberán destinar a cada unha das accións debidamente desagregadas, así como descrición dos recursos propios da entidade dirixidos ás actividades propostas, explicando o orzamento con que se parte e as cantidades que se solicitan.

-Secuencia lóxica da intervención: situación de que se parte e a onde se quere chegar detalladamente, información precisa dos recursos existentes e os necesarios, cos que conta e os que terán que incrementar.

-Importancia da actuación en áreas de especial sensibilidade, de acordo coas necesidades reais da sociedade.

b) Capacidade da entidade e solvencia (ata 20 puntos).

-Se a entidade xestionou con anterioridade algún proxecto de igual ou superior contía ao que presenta.

-Achega financeira da entidade ao proxecto.

-Concurrencia doutras fontes de financiamento do programa de carácter privado.

c) Proxectos innovadores que introduzan novas prácticas no fomento de experiencias de solidariedade e voluntariado no ámbito educativo, empresarial, medios de comunicación, traballo en rede e promoción dos novos espazos de intervención para o voluntariado (ata 15 puntos).

d) Viabilidade do proxecto e sustentabilidade da organización de voluntariado na Comunidade Autónoma galega prevendo, entre outras medidas, a inclusión nos seus proxectos da figura do responsable de voluntariado e a participación de voluntarias ou voluntarios da organización (ata 10 puntos).

e) Participación do voluntariado nas actividades do proxecto, acreditado mediante xustificación bancaria de aboamento da prima das pólizas do seguro correspondente (ata 10 puntos).

f) Consonancia entre a formación recibida polas/os voluntarias/os da entidade e a actividade desenvolvida nela (ata 5 puntos).

g) Proxecto conxunto con outras entidades (ata 5 puntos).

h) Garantirle na presentación do proxecto, a esta Subdirección Xeral de Solidariedade e Participación, o uso do galego. Así mesmo, facer constar en toda a publicidade, publicacións, información, internet, actos públicos, material que se cree e propaganda

relativos á actividade subvencionada, o seu contido en galego e a colaboración deste organismo, incorporando de xeito visible o seu logotipo (ata 5 puntos).

Artigo 9º.-Resolución.

1. Analizadas as solicitudes pola comisión de valoración, esta levantará acta na cal se recollerá a proposta de resolución para a súa elevación ao director xeral de Xuventude e Solidariedade, quen resolverá a concesión ou denegación das solicitudes presentadas.

2. O prazo máximo para resolver e notificar a resolución do procedemento non poderá exceder seis meses. O prazo computarase a partir do día seguinte ao da publicación desta convocatoria no *Diario Oficial de Galicia*.

3. No momento do vencemento do prazo máximo sen se ter notificado a resolución aos interesados, poderá entender desestimada a solicitude de concesión da subvención por silencio administrativo.

4. Notificada a resolución polo órgano concedente, a/o beneficiaria/o disporá dun prazo de dez (10) días para a súa aceptación, transcorrido o cal sen que se producise manifestación expresa, se entenderá tacitamente aceptada tal como dispón o artigo 21.5º da Lei 9/2007, do 13 de xuño, de subvencións de Galicia.

Artigo 10º.-Réxime de recursos.

As resolucións expresas ou presuntas dos expedientes tramitados en aplicación desta orde esgotan a vía administrativa e contra ela cabe interpoñer os seguintes recursos:

1. Potestativamente, recurso de reposición ante o mesmo órgano que ditou o acto, no prazo dun mes, contado a partir do día seguinte ao da súa resolución, ou de tres meses, contados a partir do día seguinte a aquel en que se produza o acto presunto, segundo os casos, de conformidade co establecido nos artigos 107, 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999.

2. Directamente, recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia, no prazo de dous meses contados a partir do día seguinte ao da súa notificación, se é expresa, ou de seis meses contados a partir do día seguinte a aquel en que se produza o acto presunto.

Artigo 11º.-Xustificación da axuda concedida.

1. A data límite para executar as actuacións que fosen obxecto de subvención e para xustificar o correspondente pagamento é a que establece esta convocatoria, é dicir, o 15 de outubro de 2008. Para isto o beneficiario deberá presentar, na Dirección Xeral de Xuventude e Solidariedade ou nas delegacións provinciais da Igualdade e do Benestar ou a través dalgunha das formas recollidas no artigo 38.4º da

Lei 30/1992, do 26 de novembro, de réxime xurídico das administracións públicas e do procedemento administrativo común, a seguinte documentación por duplicado:

1.1. Certificación expedida polo secretario da entidade co visto e prace do representante legal (anexo III), na cal se farán constar:

a) Conxunto de todas as axudas concedidas e/ou solicitadas para o mesmo proxecto, procedentes das distintas administracións públicas ou doutros entes públicos ou privados, nacionais ou internacionais, así como os fondos propios da entidade.

b) A relación de actividades realizadas.

c) O importe do gasto efectuado (en cifras e letra).

d) Cumprimento da finalidade para a cal se concede a subvención.

1.2. Memoria descritiva das actividades realizadas de acordo co proxecto presentado que, como mínimo, conterá as seguintes epígrafes: obxectivos acadados, descrición das actividades desenvolvidas especificando, por cada unha delas, o lugar e as datas de realización, o número de beneficiarios e o persoal implicado na súa execución (voluntariado e persoal remunerado).

1.3. Acreditar a realización das actividades mediante a entrega dos orixinais ou copias cotexadas de facturas que deberán ir acompañadas dunha relación nominal delas (anexo V), nóminas, boletíns de cotización á Seguridade Social, certificacións bancarias e demais medios establecidos no artigo 28 da Lei 9/2007, do 13 de xuño, de subvencións de Galicia.

1.4. A xustificación dos gastos realizarase do seguinte xeito:

-Comprobación dos gastos correspondentes ao persoal (achegaranse necesariamente as copias compulsadas das nóminas xunto cos boletíns oficiais da cotización á Seguridade Social e o modelo 110).

-As partidas que se refiran a colaboracións de carácter temporal (figurarán os recibos onde consten os datos da perceptora ou receptor, o seu DNI, o concepto polo cal se retribúe e a retención correspondente ao IRPF).

-No caso de persoas que colaboren en programas a cambio dunha gratificación, deberán presentarse os recibos ou facturas, de ser o caso, xustificativos do gasto, nos cales constará o nome do programa ou actividade así como os datos persoais identificativos da persoa colaboradora.

-En canto aos fondos propios, a entidade deberá acreditar na xustificación o importe, a procedencia e a aplicación de tales fondos á actividade subvencionada.

2. Os órganos competentes da Vicepresidencia da Igualdade e do Benestar poderán solicitar as aclaracións ou informes dos medios de xustificación que

consideren oportunos. No caso de que o beneficiario non os remitise dentro do prazo que se sinale, entenderase que renuncia á axuda.

Artigo 12º.-Concurrencia de subvencións públicas e modificacións da resolución.

1. O importe das axudas e subvencións reguladas nesta orde en ningún caso poderá ser de tal contía que, illadamente ou en concurrencia con outras axudas e subvencións, supere o custo do proxecto subvencionable.

2. Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, poderá dar lugar á modificación da resolución de concesión.

3. O órgano competente para a concesión da axuda poderá acordar a modificación da resolución por instancia do beneficiario. Os requisitos que se deberán cumprir para isto son que a actividade ou modificación do proxecto estea comprendida dentro da finalidade das bases reguladoras.

4. O acto polo que se acorde a modificación da resolución ou, se é o caso, se denegue, será ditado polo órgano concedente logo da instrución do correspondente expediente.

Artigo 13º.-Anticipos e pagamentos.

Unha vez ditada a resolución de concesión e aceptada pola entidade, poderase facer un anticipo de pagamento de ata o 10%, nos supostos do artigo 16 do Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia, e de acordo co artigo 31 da Lei 9/2007, do 13 de xuño, de subvencións de Galicia.

Nos demais casos a subvención farase efectiva nun único pagamento ao chegar a aceptación a entidade solicitante e xustificantes de ter realizadas as actividades segundo o proxecto presentado polo importe total do proxecto; non obstante, poderanse facer pagamentos parciais, de acordo co artigo 16.2º do Decreto 287/2000, do 21 de novembro, ata un máximo do 80% da contía total concedida na medida en que se vaia xustificando. O restante 20% aboarase no momento da completa xustificación por parte do beneficiario do cumprimento da finalidade e demais condicións coas cales lle foi concedida a subvención.

Artigo 14º.-Obrigas das entidades beneficiarias.

As entidades de acción voluntaria que reciban a subvención deberán cumprir as obrigas recollidas no artigo 11 da Lei 9/2007, do 13 de xuño, de subvencións de Galicia.

1. As obrigas das entidades beneficiarias das axudas serán:

a) Cumprir o proxecto de voluntariado que fundamenta a concesión de subvención.

b) Xustificar ante o órgano concedente o cumprimento dos requisitos e condicións que determinen a concesión da subvención así como a realización da actividade e o cumprimento da finalidade que determine a concesión da subvención.

c) Estar sometidos ás actuacións de comprobación que poida efectuar o órgano concedente así como calquera outra actuación que poidan realizar os órganos de control competentes, tanto autonómicos como estatais ou comunitarios.

d) Comunicarlle ao órgano concedente a obtención doutras subvencións, axudas, ingresos ou recursos que financien as actividades subvencionadas, así como a modificación das circunstancias que fundamenten a concesión da subvención. Esta comunicación deberá efectuarse no momento que se coñeza e, en todo caso, con anterioridade á xustificación da aplicación dada aos fondos percibidos.

e) Acreditar con anterioridade a que se dite proposta de resolución de concesión que está ao día no cumprimento das súas obrigas tributarias e coa Seguridade Social e que non ten pendente de pagamento ningunha outra débeda coa Administración pública da comunidade autónoma.

f) Dispoñer dos libros contables, rexistros dilixenciados e demais documentos debidamente auditados co fin de garantir o axeitado exercicio das facultades de comprobación e control.

g) Conservar os documentos xustificativos da aplicación dos fondos recibidos en canto poidan ser obxecto das actuacións de comprobación e control.

h) Dar a axeitada publicidade do carácter público do financiamento dos proxectos. Facer constar na publicidade e difusión que se xere, así como en todos aqueles soportes informativos e publicacións que se realicen, que as actividades foron subvencionadas pola Vicepresidencia da Igualdade e do Benestar.

i) Proceder ao reintegro dos fondos percibidos nos supostos do artigo 33 da Lei 9/2007, do 13 de xuño, de subvencións de Galicia.

2. Sen prexuízo do disposto no punto anterior, as entidades deberán comunicarlle por escrito certificado, nun prazo de vinte (20) días antes da realización, calquera actividade coa publicidade escrita, á Dirección Xeral de Xuventude e Solidariedade.

Artigo 15º.-Fiscalización e control.

A concesión das axudas e subvencións reguladas nesta orde estará sometida ao exercicio da función interventora e do control financeiro por parte da Intervención Xeral da Comunidade Autónoma nos termos que establece no título III da Lei 9/2007, do 13 de xuño, de subvencións de Galicia, relativo ao control financeiro de subvencións, e ás actuacións de comprobación previstas na lexislación do Tribunal de Contas e do Consello de Contas.

Artigo 16º.-Reintegro das axudas ou subvencións.

Procederá o reintegro total ou parcial da subvención e dos xuros de demora correspondentes desde o momento do pagamento ata a data en que se acorde a procedencia de tal reintegro nos casos previstos no artigo 33 da Lei 9/2007, do 13 de xuño, de subvencións de Galicia.

-Obtención da subvención falseando ou ocultando as condicións requiridas.

-Incumprimento total ou parcial do proxecto obxectivo de subvención.

-Incumprimento da obriga de xustificación ou a xustificación insuficiente nos termos establecidos no artigo 28 da Lei 9/2007, do 13 de xuño, de subvencións de Galicia e nesta orde.

-Incumprimento da obriga de adoptar medidas de difusión.

-Resistencia, escusa, obstrución ou negativa ás actuacións de comprobación e control financeiro previstas na normativa vixente, así como o incumprimento das obrigas contables, rexistrais ou de conservación de documentos cando diso derive a imposibilidade de verificar o emprego dado aos fondos percibidos, o cumprimento do obxectivo, a regularidade das actividades e a concorrencia doutras axudas.

-Incumprimento das obrigas impostas pola Administración aos beneficiarios cando derive a imposibilidade de conseguir o obxecto, sempre que afecten o modo en que se conseguen os obxectivos ou cando do incumprimento derive a imposibilidade de verificar o emprego dado aos fondos percibidos ou o cumprimento do obxecto.

De acordo co disposto no artigo 32 da Lei 9/2007, do 13 de xuño, de subvencións de Galicia, a declaración xudicial ou administrativa de nulidade ou anulación comportará a obriga de devolver as cantidades percibidas.

Así mesmo, procederá o reintegro do exceso percibido nos supostos en que o importe da subvención, illadamente ou en concorrencia con subvencións ou axudas doutras administracións públicas ou doutras entidades públicas ou privadas, nacionais ou internacionais, supere o custo da actividade que vai desenvolver o beneficiario.

Artigo 17º.-Publicidade.

1. Unha vez ultimada a concesión das axudas, publicarase no *Diario Oficial de Galicia* a relación das concedidas con indicación da convocatoria, o programa e crédito orzamentario ao cal se imputen, a entidade beneficiaria, contía e finalidade da subvención, de conformidade co disposto no artigo 15 da Lei 9/2007, do 13 de xuño, de subvencións de Galicia.

2. Así mesmo, publicarase na páxina web da Xunta de Galicia a concesión indicando a relación de beneficiarios e o importe das axudas, ao abeiro do artigo

13 da Lei 4/2006, do 30 de xuño, de transparencia e boas prácticas na Administración pública galega.

Disposicións adicionais

Primeira.-Apróbase a delegación de atribucións do vicepresidente da Igualdade e do Benestar no director xeral de Xuventude e Solidariedade para desenvolver a concesión, denegación, modificación ou outras incidencias das axudas previstas nesta orde, así como para autorizar e dispoñer o gasto, o recoñecemento das obrigas e a proposta de pagamento, en relación co disposto no artigo 73 a) do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia.

Segunda.-No caso de que unha vez ditada a resolución de concesión de axudas amparadas nesta orde quedase crédito orzamentario sen adxudicar, poderase publicar unha segunda orde de convocatoria de axudas. En todo caso, a concesión de axudas terá como límite a cantidade consignada na correspondente aplicación económica dos orzamentos xerais da comunidade autónoma para o ano 2008.

Terceira.-Os beneficiarios destas axudas quedan suxeitos ao réxime de infraccións e sancións previstas para esta materia no título IV da Lei 9/2007, do 13 de xuño, de subvencións de Galicia e demais normas de aplicación.

Cuarta.-Coa presentación da solicitude (anexo I), a/o beneficiaria/o dá súa conformidade a que os datos facilitados para a concesión da subvención figuren no Rexistro Público de Subvencións coas excepcións do artigo 15.2º d) da Lei 9/2007, do 13 de xuño, de subvencións de Galicia.

A relación de beneficiarios será publicada no *Diario Oficial de Galicia*, na páxina web e no Rexistro de axudas, subvencións e convenios da Xunta de Galicia, en cumprimento do disposto na Lei 9/2007, do 13 de xuño, de subvencións de Galicia; na Lei 4/2006, do 30 de xuño, de transparencia e de boas prácticas na Administración pública galega e no Decreto 132/2006, do 26 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos da Comunidade Autónoma de Galicia para o ano 2006.

Disposicións derradeiras

Primeira.-Facúltase o director xeral de Xuventude e Solidariedade para ditar cantas disposicións sexan precisas en relación con esta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 28 de decembro de 2007.

Anxo Manuel Quintana González
Vicepresidente da Igualdade e do Benestar



XUNTA DE GALICIA
VICEPRESIDENCIA DA IGUALDADE E
DO BENESTAR

ANEXO I

PROCEDEMENTO SUBVENCIÓNS DIRIXIDAS A ENTIDADES DE ACCIÓN VOLUNTARIA PARA O FOMENTO E REALIZACIÓN DE ACTIVIDADES DE VOLUNTARIADO	CÓDIGO DO PROCEDEMENTO VP508B	DOCUMENTO SOLICITUDE
---	---	--------------------------------

DATOS DA ENTIDADE

NOME DA ENTIDADE SOLICITANTE		SIGLAS (SE AS TIVESE)	CIF	
DOMICILIO SOCIAL		PROVINCIA	CONCELLO	
LOCALIDADE	CÓDIGO POSTAL	TELÉFONO	EXTENSIÓN	FAX
CORREO ELECTRÓNICO	Nº DE REXISTRO DE ENTIDADES VOLUNTARIAS			

DATOS DO REPRESENTANTE LEGAL

PRIMEIRO APELIDO	SEGUNDO APELIDO	NOME	DNI
CARGO NA ENTIDADE		PROVINCIA	CONCELLO

DATOS DA PERSOA DE CONTACTO

PRIMEIRO APELIDO	SEGUNDO APELIDO	NOME	DNI
TELÉFONO	FAX	CORREO ELECTRÓNICO	

OUTROS DATOS

EN CASO DE ESTAR INTEGRADA NALGÚNHA FEDERACIÓN, PLATAFORMA, REDE OU ENTIDADE SIMILAR EN MATERIA DE VOLUNTARIADO, INDIQUE O NOME DELA:

O PROGRAMA QUE ACOMPAÑA ESTA SOLICITUDE (marcar cunha aspa no círculo correspondente)

É PROPIO.

É EN COLABORACIÓN COA FEDERACIÓN, PLATAFORMA, REDE OU ENTIDADE SIMILAR DA CAL FORMA PARTE.

OUTRA SITUACIÓN (ESPECIFICAR):

SECTORES DE POBOACIÓN COS QUE TRABALLA

MAIORES DISCAPACIDADE MOZOS/AS DROGODEPENDENCIAS MULLERES INFANCIA E FAMILIA INMIGRANTES COOPERACIÓN

RECLUSAS/OS E EX-RECLUSAS/OS MINORÍAS ÉTNICAS AMBIENTE ENFERMOS E ORGANIZACIÓNS DE AUTOAXUDA

OUTRAS

RECURSOS DA ENTIDADE

TELÉFONO FAX ORDENADOR INTERNET LOCAL PROPIO LOCAL COMPARTIDO LOCAL CEDIDO

DOCUMENTACIÓN REQUIRIDA

PROXECTO DETALLADO DAS ACTIVIDADES.

CERTIFICACIÓN EXPEDIDA POLA /O SECRETARIA/O DA ENTIDADE CON VISTO E PRACE DA/ O REPRESENTANTE LEGAL.

FOTOCOPIA COMPULSADA DO DNI DA /O REPRESENTANTE LEGAL DA ENTIDADE.

FOTOCOPIA COMPULSADA DO CIF DA ENTIDADE.

CERTIFICACIÓN ORIXINAL DA CONTA BANCARIA DA ENTIDADE.

(Marcar cunha aspa a documentación que se achega coa solicitude)

DECLARA QUE dá expresamente o seu consentimento á Vicepresidencia da Igualdade e do Benestar para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública, e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique na súa páxina web oficial a relación dos beneficiarios e o importe das axudas concedidas.

ORZAMENTO TOTAL	ORZAMENTO SOLICITADO
-----------------	----------------------

LEXISLACIÓN APLICABLE <i>Orde do 28 de decembro de 2007 pola que se regulan as bases que rexerán as subvencións dirixidas a entidades de acción voluntaria para o fomento e realización de actividades de voluntariado e se procede a súa convocatoria para o ano 2008.</i>	(Para cubrir pola Administración)	NÚMERO DE EXPEDIENTE
SINATURA DA/O REPRESENTANTE LEGAL DA ENTIDADE		RECIBIDO
	REVISADO E CONFORME	DATA DE ENTRADA
		DATA DE EFECTOS
		DATA DE SAÍDA

ANEXO II

Dº/D. [] , con DNI nº [] ,
 secretaria/o de [] [] , con domicilio
 social en [] e con
 CIF nº []

CERTIFICA:

1.- Que (1) [] , da dita entidade, en reunión que tivo lugar o día [] , acordou solicitar da Vicepresidencia da Igualdade e do Benestar da Xunta de Galicia unha subvención para a realización do proxecto (2) [] , correspondente ao ano 2008.

2.- Que Dº/D. [] , con DNI nº [] ,
 é a/o actual (3) [] desta entidade,
 desempeñando, con base en (4) [] a súa representación legal.

3.- Que en relación á Orde do [] pola que se regulan as bases que rexerán as subvencións dirixidas ás entidades de acción voluntaria para o fomento e realización de actividades de voluntariado, o conxunto de axudas solicitadas ou concedidas para este proxecto, procedentes das distintas administracións públicas ou doutros entes públicos ou privados, nacionais ou internacionais, independentemente da concedida ao abeiro desta orde, así como os fondos propios da entidade, son os que se describen a continuación:

ENTIDADE QUE CONCEDE	CANTIDADE SOLICITADA	CANTIDADE CONCEDIDA
[]	[]	[]
[]	[]	[]
[]	[]	[]
[]	[]	[]
FONDOS PROPIOS		CANTIDADE ACHEGADA
[]		[]

Non percibimos ningunha outra axuda.

[] de [] de

Visto e prace
 Representante legal da entidade

Secretaria/o da entidade

(sinatura da/o representante legal)

(selo da entidade)

(sinatura da /o secretaria/o)

(1) Deberá indicarse o órgano (xunta directiva, asemblea, etc.) que segundo os estatutos da entidade é o competente para acordar a solicitude da subvención.
 (2) Denominación do proxecto.
 (3) Expresar o cargo da /o representante legal da entidade (por exemplo: presidenta/e, director/a, administrador/a, etc).
 (4) Expresar o documento no cal figura o nomeamento da /o actual representante legal da entidade (por exemplo: acta fundacional, escritura de apoderamento, etc).

ANEXO III

D^a/D. , con DNI nº ,
 secretaria/o da entidade , con domicilio
 social en e con
 CIF nº

CERTIFICA:

Que en relación á Orde do pola que se regulan as bases que rexerán as subvencións dirixidas a entidades de acción voluntaria para o fomento e realización de actividades de voluntariado:

PRIMEIRO: O conxunto de axudas solicitadas para o mesmo proxecto, procedentes das distintas administracións públicas ou outros entes públicos ou privados, nacionais o internacionais, independentemente da concedida ao abeiro desta orde, así como os fondos propios da entidade, son os seguintes:

<i>ENTIDADE QUE CONCEDE</i>	<i>CANTIDADE SOLICITADA</i>	<i>CANTIDADE CONCEDIDA</i>
<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>
<i>FONDOS PROPIOS</i>		<i>CANTIDADE ACHEGADA</i>
<input type="text"/>		<input type="text"/>

Non percibimos ningunha outra axuda.

SEGUNDO: A entidade mencionada desenvolveu as seguintes actividades co gasto que se refire segundo o proxecto presentado na solicitude da subvención indicada:

ACTIVIDADES:

IMPORTE TOTAL	
INDICAR O IMPORTE EN CIFRAS	<input type="text"/>
INDICAR O IMPORTE EN LETRAS	<input type="text"/>

TERCEIRO: O importe da subvención destinouse para a finalidade para a cal foi concedida.

, de de

Visto e prace
 Representante legal da entidade

Secretaria/o da entidade

(sinatura da /o representante legal)

(selo da entidade)

(sinatura da /o secretaria/o)

ANEXO IV

DATOS XERAIS DO PROGRAMA

ÁREA NA CAL SE SOLICITA:	
<input type="checkbox"/> SENSIBILIZACIÓN	<input type="checkbox"/> FORMACIÓN
<input type="checkbox"/> COORDINACIÓN	
SUBVENCIÓN SOLICITADA Á VICEPRESIDENCIA:	<input type="text"/> €
PROXECTO (máximo 4 páxinas) - Denominación/nome. - Obxectivos. - Identificación dos problemas/necesidades que se pretenden abordar con este proxecto de voluntariado. - Data de inicio e remate. - Se o proxecto é conxunto entre varias entidades, parte executada por cada unha delas. - Orzamento total, e se é conxunto con outras entidades, cantidade que achega cada entidade ao proxecto.	
<input type="text"/>	
ACTIVIDADE/S (máximo 4 páxinas por actividade). - Descrición individual de cada unha delas (que, como e onde). - Obxectivos. - Responsable da execución. - Calendario e datas de inicio e finalización. - Recursos humanos (remunerados e voluntarios). - Materiais propios e alleos. - Se a actividade é conxunta entre varias entidades, parte executada por cada unha delas. - Orzamento total, e se é conxunto con outras entidades, cantidade que achega cada entidade á actividade.	
<input type="text"/>	

FINANCIAMENTO DOS PROXECTOS

VICEPRESIDENCIA DA IGUALDADE E DO BENESTAR	<input type="text"/>	<input type="text"/> EUROS
OUTRAS CONSELLERÍAS	<input type="text"/>	<input type="text"/> EUROS
OUTRAS ADMINISTRACIÓNS	<input type="text"/>	<input type="text"/> EUROS
FINANCIAMENTO PROPIO	<input type="text"/>	<input type="text"/> EUROS
OUTROS INGRESOS (ESPECIFICAR)	<input type="text"/>	<input type="text"/> EUROS
TOTAL	<input type="text"/>	<input type="text"/> EUROS

Se se trata dun proxecto realizado en colaboración con outras entidades:

PROXECTOS CONXUNTOS

ENTIDADE PARTICIPANTE	ACTIVIDADE DO PROXECTO	% DE PARTICIPACIÓN NO PROXECTO
<input type="text"/>	<input type="text"/>	<input type="text"/>

ANEXO V

RELACIÓN DE XUSTIFICANTES DE GASTOS. ACHEGAR FACTURAS ORIXINAIS OU COMPULSADAS.

Nº	DATA	Nº FACTURA	CONCEPTO DA FACTURA E ACTIVIDADE A QUE SE REFIRE	GASTO EXECUTADO (€)	GASTO COMPUTABLE (€)
1					
2					
3					
4					
5					
6					
7					
8					
9					
10					
11					
12					
13					
14					
15					
16					
17					
18					
19					
20					
21					
22					
23					
24					
25					
26					
27					
28					
29					
30					